

南陵縣志卷三十五

列女志

節婦

元李義實妻趙氏年二十四夫亡守節終身事聞於朝詔旌其門復其徭役

王天麟妻高氏淑秀年三十一夫亡舅姑繼沒攜六歲孤依其父父卒延師教子獨居一室置內外並勤儉守業歲饑大雪以粟濟待炊者七十餘家及病革語其子若孫曰吾今可以見爾父祖於地下矣卒年六十九翰林待制楊剛中銘其墓

南陵縣志

卷三十五 列女

一

明何彭童妻張氏觀娘年二十九夫亡事姑訓子姑卒鬻衣飾以營葬事績麻治泉以爲子讀書資宣德間旌其門

曹楷妻王氏年十八楷歿父良欲奪其志引刀裂臉折齒自誓聞者哀之終身不與良通音問兀坐一小室者五十年始卒乾隆七年旌

徐聘妻文氏年二十四夫亡姑繼卒無嗣率媵負土葬姑若夫於宅畔桃園自營生壙於夫穴右朝夕悲號閱數年卒徐夢麟撰碑文崇禎三年旌

按徐氏譜作應聘

庠生汪宸祚妻江氏初婚時舅姑數以人丁單子爲

念江即力爲夫納媵劉氏陶氏未幾宸祚以應試卒白門三氏年俱二十餘江誓身殉姑哀號曰吾不幸兒死猶念劉已妊汝其俟之生男卽守以撫之生女即死未晚江泣領姑命起視喪事已而劉果生男象琚而族之欲奪其產者謀得孺子甘心焉江率劉陶捍禦外侮保護藐孤靡甯寢食稍長擇名師儒傳之象琚弱冠有聲庠序江又時時以德貴有容毋尋夙忿爲戒卒年七十一劉卒年七十七陶卒年七十三象琚配秦氏通書史嫺婦道敬事三姑如一江劉先後寢疾秦皆割股以救象琚另有傳雍正五年詔賜

南陵縣志

卷三十五 列女

二

旌獎

汪明相妻劉氏年十七歸王勤織紡以資夫讀夫善屬文而不售鬱鬱以死劉時二十五歲二子璠璣皆甫離襁褓茹苦撫育之終身不肉食二子漸次成立而劉卒後二子並以高年膺粟帛每念及孀母淚涔涔下也雍正八年旌

吳國仁妻孫氏國仁忠臣景後早卒子友賢甫六歲時孫年二十五勵操撫孤入國學大司成姜公題其居曰忠門貞節巡按御史何聞於朝詔旌完節流芳葉斌妻汪氏鳳秀年十九而孀生子甫半月足不出

戶績紡勤苦撫孤成立至就木視諸孫曰吾可含笑

地下矣按省志道光年旌

張傲妻何氏年十九夫亡誓死守中年子歿惟三女

孫相依爲命每至不能舉火未嘗有怨言後女孫相

繼出嫁就養於姪年八十終按省志道光年旌

管一騰妻劉氏年二十三夫亡撫孤既娶婦而孤亡

同媳謝氏哺孫孫又死百折不渝卒年七十五按省志道光年旌

光緒年旌宗志

許承舉妻潘氏年二十一夫亡無子抱幼姪爲後里

豪有謀娶者剪髮毀容拒之妾周氏年十八同心守

南陵縣志卷三十五列女

節至死不渝卒後南戶部尙書畢鏘爲之贊見藝文

以下未旌

庠生王疇妻張氏年二十四夫亡無嗣竭力事姑節

守三十餘年勤紡績甘窮餓人咸稱爲鐵石心腸

劉鈿妻汪氏年二十六夫亡一子幼翁姑欲令更適

以死誓尋子又殤持志益勵紡績度生年八十四終

管世本妻文氏年二十七夫亡家極貧子方在襁褓

夫兄逼其改嫁遂自縊妯娌救避因賃居撫孤成立

卒年六十

陶希祿妻周氏年二十七夫亡伶仃孤苦頻遇水災

人以改適諷之涕泣誓死撫孤成立年七十終

貢生朱輝妻施氏年二十輝亡誓死不二立姪思義

爲後義復早死施偕媳楊氏茹苦守志人稱雙節

王勳妻劉氏夫病割股救之及死守節不二躬紡績

甘蠶鹽歷五十六年卒

監生張維垣妻秦氏夫卒於京秦聞訃痛絕復甦時

年二十五堅持苦節子茂蘭娶婦徐氏半載亦夭姑

婦共守節操並勵時有雙節清風冊美之按省志秦氏作陳氏

鄧時易妻戴氏適易三載無嗣力勸置妾易歿戴年

二十七孝事翁姑養送盡善撫孤成人不墮先業鄉

南陵縣志卷三十五列女

人稱之

監生戴思宗妻劉氏年十八適思宗未幾夫亡翁姑

憐其少無子欲令改嫁誓死不從撫螟蛉子堅操以

終

管世鎬妻滕氏適管二年夫亡撫育孤子未幾復殤

夫兄利其改嫁以死誓紡績自給甘貧終身

曹伯和妻王二適曹三年夫亡父喪其幼子改節

斷髮自誓撫子成人年逾七十終

張猗妻劉氏家貧無子誓死守節嘗遇水災采菱荇

度日以苦節著按張猗府志作張猗

任宗行妻姚氏年十六喪夫矢志守節撫遺腹子廷

諭成立以明經仕年六十餘卒

按姚氏宗志一作施氏

曹按妻陳氏年十八按死無嗣與妾周氏共誓死守

又輸田八十畝於水西書院督學並郡縣給扁旌之

錢緒山爲著義節傳

孫溟妻何氏年二十四歲夫亡守節妾生子棟方一

歲族人利其產欲害之何謹防護出入必令僮婢與

俱後孫甫歷任知府

劉邦周妻余氏年十七適周生二女一男俱殤二十

三周歿屏絕湯食以殉自矢居十四年叔氏生子國

南陵縣志卷三十五列女

五

乃立而撫之備經凍餓瀕死自甘爲國娶俞氏生一

女國又歿俞亦他適僅與幼女孫相依迨女孫出字

焚燹獨居者十餘年插棘補屋嘗至血指日哺不食

挑野菜爲羹備極辛苦卒年八十有四孫婿朱懋華

立傳

庠生張肇卿妻周氏卿十一歲遊泮周十六歲歸卿

當婚之夕卿得病亡周守節不二立姪師榮爲子又

亡二孫俱幼輔之成人年八十二終府縣道按各賜

扁旌

何沚妻陳氏年二十沚亡家貧子幼陳矢志不二紡

績聊生子方成人又卒復焚燹撫一幼孫躬自操作

年九十五卒萬曆四十八年按院荆給扁旌之

劉邦亨妻徐氏年二十四夫亡嘗併日斷炊採野蔬

充食撫教二孫成立卒年五十一知縣甘文奎題貞

魂永譽旌之

葛廷明妻郭氏二十五歲而寡苦心撫孤事舅姑以

孝聞父母強另適堅不可奪九十四歲卒崇禎間邑

令杜繩甲給扁旌之

宋倍妻胡氏年二十五倍亡撫遺孤娶婦未幾子與

婦俱夭遺一孫又撫之成立壽八十崇禎十五年撫

南陵縣志卷三十五列女

木

憲徐旌閭曰苦節撫孤

俞邦昊妻何氏年十八夫死深自閉戢日夜紡績撫

遺腹子應孝成立任湖口縣茭石司巡檢何壽至九

十五終懷甯殿撰劉公若宰爲之贊見藝文

監生戴天祥妾黃氏年二十守節奉舅姑盡孝事嫡

以禮家頗饒裕出納一惟嫡命毫末不敢自專卒年

八十

葉百芳妻王氏嫁未二載夫亡誓守無二志事姑張

氏盡孝撫七月遺腹天相成立齧藥茹荼七十餘歲

卒

戴士仇妻王氏仇客死河南王食貧守志撫週歲遺孤志瑜有成瑜拾遺金於道命訪其人還之復遣父櫬歸葬祖塋瑜復早世媳劉氏年甫二十王與共皆苦守撫孫智遊庠序王卒年七十劉亦守至六十有七終

梅士升妻夏氏年二十三夫亡子二長文極甫五齡次纔週家赤貧勤織紉教之上事衰姑養生送死婦兼子職卒年六十三

戴鈿妻朱氏嫁甫三月鈿卒舅姑痛子故相繼沒朱殯送如禮撫三歲叔成立孀操嘯然至八十餘歲卒

南陵縣志 卷三十五 列女

七

清秦邦欽妻宦氏欽素窘舌耕外塾宦勤績積膳姑萬歷中歲大稔採榆皮自食而以穀食進姑欽文試屢躓疽發日卒時宦年二十四擗踊悲號不絕聲以諸子在恨不能即殉拾欽所讀書藏之無寸楮遺素不嫻繪事以意圖欽鬚眉笑貌宛若生平出入必泣飲食必祭訓迪諸子視欽存日加嚴日爾不可不成爾父志也天啓辛酉子鳳儀舉於鄉順治丁亥孫仁管才管同登進士鄉人過其廬者欲一識太夫人及見之操作不輟粗糲布縞蕭然如窮巷嫗也臺使上官鉉題請詔旌其門順治年旌

文學贈右通政劉台瑞妻趙氏年二十四夫亡初台瑞病趙旦夕謹侍藥餌齋沐籲天求代羹股救卒不起拊棺泣血誓欲殉念姑老奉養無託焚焚二孤長楮七歲次鞏二齡乃啣痛茹哀終歲竭十指所儲上供甘旨下資脰脯而節縮其餘以旁周宗黨性諳大義勤於教子楮年十二郡試不錄召而數之曰汝不憤發自立吾異日何以見汝父地下呵撻隨之血流被面外王母憐而以帕裹首使去塾中楮乃痛自刻責隨補博士弟子員年二十領鄉薦北上趙染所織布爲寬袍厚裝木棉曰此足前途禦寒矣年少幸雋

南陵縣志 卷三十五 列女

八

毋得輒御輕裘也嚴毅如此楮後成進士歷官卿寺所著風節每語人曰母氏教也先是以節請旌被有棹楔之榮恭遇覃恩晉封太淑人卒年七十有二祀貞烈祠鞏弱冠早世配許氏砥節勵操一如其姑別有傳康熙年旌

庠生贈知縣劉鞏妻許氏年十九歸鞏越三載鞏卒許哀慟屢瀕於死鞏兄楮以子爲其後子殤許復因伯姒泣請曰所賴終賜哀憫不使亡者乏嗣惟伯氏之惠楮又以第三子連瀨嗣之瀨幼羸弱許保抱提攜備嘗辛苦瀨亦孝養克盡其姑趙孀操凜然許亦

並矢勁節姑沒哀毀盡禮砥節彌堅以瀨仕贊皇遇
覃恩封太孺人尋疾卒年六十有四居孀四十四年
祀貞烈祠先是郡邑大夫以節請旌樹坊與姑棹楔
並耀時論榮之康熙年旌

強禹朔妻奚氏朔病劇奚割股療不起時年二十五
念孀姑在不敢言死茹痛營喪葬畢竭力事姑嚴督
二子終身編素不敢宴會跬步不履閫外七十三歲
終雍正三年詔賜旌表

謝邦宿妻陳氏年二十三夫病羹股救不愈砥志守
節父諷改適女斷髮跪父前曰兒苟有玷願以頭獻

南陵縣志 卷三十五 列女

九

屹不可奪親姑以哭子死繼姑吳年纔十八歲事之
加禮勤教諸子長繩安補諸生孫枝膺歲薦者數人
九十八歲卒居孀七十四年雍正五年旌

文學張翔妻方氏汀州守仲女數歲時父教以內則
孝經諸書語節義事輒竦然敬聽其天性也年二十
適翔翔讀書外家間歸恒以勤學相勸勉翔病方謹
侍湯藥忘食寢者數月潛籲天求代羹股救不起辭
踊投繯矢以身殉舅姑諭以撫孤爲重乃茹淚治喪
殯如禮事舅姑孝謹備至甘旨柔滑非手治不敢進
方生於紉綺而性樸儉寡笑言居孀終身素編自奉

甚薄而必豐腆以待師賓欲其子知所觀感切劘以
有成云卒年六十一雍正五年旌

葉正葵妻王氏年十七歸葵葵病六年王侍藥寒暑
不懈一夕葵垂絕救以臂肉頓甦又六閱月乃卒家
被盜人皆奔竄王亦升屋避俄聞盜執其姑急奮身
自峻簷躍下負傷忍痛衛姑盜義而釋之去孀居五
十四年至七十九歲終雍正十年旌

陳邦奇妻王氏夫亡家貧紡績供舅姑甘旨嘗採菱
芡桑椹與孤共食雍正十一年旌

陳邦和妻吳氏夫亡剪髮明志立夫姪爲子夫柩權

南陵縣志 卷三十五 列女

十

厝有鄰墓祭掃者失火延燒氏奔赴呼天號泣火頓
息夫柩無恙人驚異之雍正十一年旌

馮集笏妻秦氏年二十而寡生子甫三月家貧翁姑
欲奪其志氏抱子日夕哀鳴局戶求死翁姑憐而釋
之以苦節終乾隆三年旌

秦鍾岱妻劉氏嫁三年鍾岱構危疾劉割臂療臂大
創血流赤地暈絕久之始甦夫竟不起子方在襁褓
夫叔某欲奪其志數被凌逼劉憤欲自截已而顧藐
孤泣曰我死汝必無生理如夫祀何哀控族眾護持
之苦節至五十三歲卒乾隆三年旌

陶德昭妻朱氏年十六歸陶越四載夫亡生一子茹苦撫教子亡又撫孫孀居歷四十八年卒乾隆四年旌

庠生汪會宗妻王氏年十五適汪事舅姑以孝聞十八夫病割臂救之不起躄踴垂死者再絕粒數日有勸以撫孤承祀者乃強啜糜粥時家中落仰事俯育悉取給於紡績尤勤教子每有能文直諒友至必命其子炳善留之潔治肴菽咄嗟立辦大有陶母風乾隆七年旌

王有媚妻戴氏年十八夫與姑前後病俱刲臂救夫

南陵縣志 卷三十五 列女

十一

亡子肇方在襁褓族鄰勸再嫁誓死不從浸侮踵至閉聲結齒讓之忍餒凍以教子若孫後皆克振先緒卒年六十九乾隆七年旌

庠生梁宇妻雷氏字病藥股救不起守節終身所生子殤立嗣承祧教之成立郡守秦宗堯旌以詩曰盛衰不可料貞節所自爲死生兩不負巾幗勝鬚眉乾隆七年旌

葉涵妻孫氏年十九于歸未一載涵卒生遺腹子砥節撫育教之有成性仁慈遇人有急輒周之垂沒猶以隨力行善爲訓云年七十六卒乾隆八年旌

汪顯揚妻曹氏年二十八夫亡子士超方週歲曹矢志不二伯屢逼再醮不從惟呼天明心而已壽八十郡守龔公旌其門士超承母訓以行誼聞於時舉鄉飲賓乾隆八年旌

文有衡妻徐氏年十九歸衡踰四載衡卒無子有勸他適者以死誓卒年七十八乾隆八年旌

俞侶賢妻鄧氏年二十三夫亡子巧臣纔二歲舅年七十餘久病委頓夫從兄某悍暴無人理逼鄧改適鄧號泣曰伯欲我去忍立視我病舅孤兒死耶拒不從遂肆箠楚鄧引刀自決乃止舅沒鬻產葬之歲丁

南陵縣志 卷三十五 列女

十二

亥戊子間奇荒義不受憐閉戶餒凍以死乾隆九年旌

朱懋填妻王氏二十歲守節子甫二歲事老撫孤備極艱辛卒年九十有三乾隆十年旌

按省志作朱懋慎

王家粹妻葉氏二十五歲守節卒年六十三當夫亡時姑年七十三慟哭其子死而復甦抱病葉飲姑以乳得復健壽躋八十撫孤成立乾隆十一年旌

汪銘明妻章氏明素孱弱以攻苦致疾療以股肉不愈卒時章年二十八生遺腹子本里教之成立母家常逆章歸辭曰非不欲歸義不可耳深自閉或不履

戶外凡二十七年卒乾隆十一年旌

文悌妻董氏年二十一悌病割股救不起伯逼改適斷指明志家貧采野蔬度日撫孤有成年六十七終

乾隆十一年旌

按董氏省志作章氏

陶翼友妻汪氏二十三歲夫亡無嗣孝事舅姑立姪

承祧壽八十三歲卒乾隆十一年旌

李宗橋妻湯氏年二十一夫亡弟與夫弟合謀逼嫁

屢以死拒之歲荒嘗自飽糠粃留米養姑姑弟潘泗

水憐其節孝時以米餉辭不受曰養姑撫子吾責也

無勞分惠介性如此乾隆十三年旌

南陵縣志

卷三十五

列女

十三

王家上妻俞氏年二十四夫亡姑年八十三俞與同

寢處一夕盜劫鄰家勢將及俞肩負老姑手帶幼子

以避盜退復於村外麻塢中負姑以歸乾隆十三年

旌

按省志作王家士

梁于江妻孫氏年二十一守志存年六十七學諭陸

成岑贊曰皇天莫測夫君早遊年少孀居清貞苦節

知縣衛步青給不負所天四字扁額乾隆十三年旌

郡庠生陶達甫妻何氏歸陶二載夫亡閱兩月生遺

腹子紹紹幼多病何以哀毀乏乳常抱兒泣聞者悲

之紹稍長即飭以禮法就外傳猶時察其勤惰以誠

勉之克自成立為諸生有聲何終身編素不出閭閻卒年四十八乾隆十六年旌

庠生曹登妻牧氏年二十二夫亡砥志守節糲食敝

衣孝舅姑教子成立年六十五終乾隆十六年旌

徐一瑞妻葉氏明姑年二十夫亡砥志撫孤事病姑

中裙廁膺手自澣濯以節孝稱乾隆十八年旌

徐可匡妻張氏年二十三夫亡家極貧勤織紉養舅

姑撫二子並力農乾隆十八年旌

夏宏江妻劉氏十九適夏末幾夫亡勵志苦守繼子

承祧教育成立卒年五十三乾隆十八年旌

南陵縣志

卷三十五

列女

十四

吳孚妻陳氏二十九歲夫卒隨剪髮納夫衣紵中持

節嚴峻母家銅邑富室也屢逆歸終身不一往貧苦

自安舅姑壽皆八十餘侍養倍謹陳後亦八十八歲

卒乾隆十八年旌

梁慎煦妻方氏年二十適梁二十五夫故生子甫三

月矢志守貞操同金石養生送死婦職無虧卒年六

十一乾隆十九年旌

萬景福妻趙氏景福少聰慧善屬文早卒時趙年二

十五無子立姪承祧性嚴毅鍵戶自守以哀慟成疾

疾革時泣語舅姑曰吾夫婦不孝俱不能終事膝下

日其瞑諸遂卒乾隆二十年旌

庠生黃福妻楊氏年二十五福亡子鼎生纔五月母強之嫁遂與母絕明末寇亂村里多被焚掠楊每避兵必預針縷内外衣以備死家奇貧常竟日不火勤紡績倦則坐以假寐自爲未亡人卽斷腥並絕鹽酒垂老病癱煥委頓牀簀凡八年卒壽七十有六鼎見孝義傳乾隆二十一年旌

庠生梁柳妻羅氏年十九夫亡截髮誓守姑老伯與姒相繼歿遺一幼姪羅撫姪養姑後以姪之子爲孫宗祠歲給米周之年六十九卒乾隆二十一年旌

南陵縣志 卷三十五 列女

十五

志柳作翻

文學李俊妻萬氏年三十俊卒子碧八歲夫兄屢諷改適萬曰頭可斷節不可改書則井臼親操夜則篝燈課讀碧自塾歸必背誦日所讀書以覘勤惰迨碧入泮授徒於外嘗市肉歸奉母萬怒曰汝但讀書砥行不爲父玷吾雖蔬水勝肥甘也壽九十卒碧以孝聞乾隆二十二年旌

劉忠寶妻周氏年二十六夫死夫叔劉至貪其財產與氏弟周邁謀令改適氏斷髮以死拒之終身不與弟面不苟腥不一步履門外邑令屈旌曰全貞壽母

乾隆二十三年旌

李文質妻樊氏未于歸時文質先納妾踰月妾生子無幾微嫌媚未幾夫亡遺妾而鞠育其子娶婦生二孫子與婦俱夭又撫二孫成立家貧歲荒常自屑榆皮而食卒年八十乾隆二十三年旌

張忠赴妻曹氏年二十八夫亡截髮誓守勵志撫孤奉姑癱疾以孝聞延師課子孝軾讀書名列成均卒年八十六乾隆二十三年旌

程國楨妻戴氏年二十五夫病割股療治及亡斷髮矢志守貞撫孤乾隆二十三年旌

南陵縣志 卷三十五 列女

十六

施錫元妻王氏年二十適施二十五夫亡姑遭癱疾王躬負出入十餘年如一日乾隆二十四年旌
徐一召妻沈氏年十八夫亡遺孤學忠生纔一月茹淚撫之羹股救姑病病痊守節四十三年卒乾隆四十五年旌

萬元鵬妻章氏年十七歸萬三載夫病籲天求代夫歿子生甫三月紡績撫孤後舅喪明姑病瘼遇年饑自食榆皮孝養無缺卒年八十八乾隆四十五年旌
儒生章應清妻吳氏廩生吳楫女年十八歸章二十四夫亡生子甫半月忍死撫子竭誠奉姑終身不出

戶庭人未見其笑容卒年七十八乾隆二十六年旌
貢生李傳芳妻王氏二十七歲而孀撫二子成立今
一門鼎盛皆苦節之報也乾隆二十六年旌

梁慎木妻劉氏年十九夫亡欲以身殉恐夫絕嗣撫
育幼叔克家立叔子承祧乾隆二十七年旌

梁慶祖妻陶氏年二十三夫亡生子甫七日氏引刀
欲自盡有勸之者曰兩代老者誰養七日小兒誰託
氏猛省乃止家極貧祖姑及翁相繼歿罄室以營喪
葬厥後供孀姑育幼子勤謹備至卒年五十五乾隆
二十七年旌

南陵縣志 卷三十五 列女

十七

朱大熊妻鮑氏年十九夫亡遺腹子生孤三週而夭
擇繼承祧鮑不數年痛絕殞命乾隆三十五年旌

監生張瓊元妻俞氏青年守志孝事翁姑撫訓幼孤
成立祀貞烈祠乾隆三十年旌

孫大器妻汪氏年□□夫亡欲偕亡其姑勸之曰
吾子死猶恃有爾爾死吾將誰養乃止緣立伯子世

榮爲嗣事姑育子各稱厥職乾隆三十六年旌

舉人劉敬祖繼妻宋氏年二十八夫亡舅姑患疾湯
藥親嘗毫無難色舅姑歿哀戚喪明赴火以救翁柩

乾隆三十七年旌

茅有慈妻朱氏年二十六守志孝事舅姑族人欲奪
其志以死拒之乃止撫孤成立孫枝蕃衍以壽終乾
隆三十八年旌

曹亨領妻汪氏年二十三夫亡父欲令改適刺面見
志紡績奉姑知縣張開士題其額曰香閨鐵漢乾隆
三十八年旌

俞永碩妻吳氏年十八于歸二十五夫亡秉性堅貞
事舅姑甘旨無缺撫子成立守節五十一年卒年七
十五乾隆三十八年旌

朱子沛妻張氏年十九適沛夫苦讀成病氏籲天求

南陵縣志 卷三十五 列女

十八

代沛亡氏年二十二甫生一子紡績孝養舅姑鄰家
微諷改嫁氏斷髮矢志舅姑歿喪葬皆如禮卒年六
十乾隆三十八年旌

監生王支郤妻劉氏年二十夫亡即欲從斃不食者
數日姑強之起徹幃屏采色事二姑盡孝撫孤入成
均五世一堂卒年八十七乾隆三十九年旌

文世簪妻熊氏年十六適文二十夫亡姑病晝夜侍
奉不懈勤紡績以供甘旨撫遺腹子成立乾隆三十
九年旌

王道衍妻馬氏年十六適王十八夫亡時舅姑俱亡

奉養祖姑甘旨無缺繼子承祧撫養成立守節四十

五年乾隆三十九年旌

孫念祖妻章氏年二十三夫亡乏嗣過繼伯子爲嗣

苦節貞操克全大義卒年四十七祀貞烈祠乾隆四

十二年旌

監生葉聖功妻何氏幼事父母以孝聞年十九歸葉

二十一夫亡絕粒幾斃姑抱沈疴數載祝天求代獲

痊撫孤成立早亡又撫二孫與孀媳同辛苦卒年五

十五乾隆四十二年旌

王光三妻卡氏年十七于歸夫患癲瘋氏以舌舐其

南陵縣志 卷三十五 列女

十九

膿血二十夫亡家貧無靠勤苦度日父母不能奪其

志乾隆四十三年旌

張復齡妻秦氏年二十五夫亡生子甫三歲矢志守

貞勤苦教子成名食餼卒年五十七乾隆四十五年

旌 按府志宗志有張一妻秦氏乾隆三十六年旌是否一人姑附誌

郡庠生張人驥妻陳氏孝事翁姑佐夫勤讀茹荼守

志撫孤成立乾隆四十六年旌

張宏柏妻戴氏年十八適張二十二夫亡哀慟幾絕

勉從姑諭撫孤並遺腹子俱成立鍼齋以易米供舅

姑終身縞素不與鄰里慶賀之事姑病喘臥牀不起

朝夕扶持嘗藥滌穢以孝聞乾隆五十五年旌

朱日替妻劉氏年二十五夫亡生孤甫週事舅克孝

孤又早亡與媳鮑氏苦志育孫乾隆五十五年旌

戴廷倬妻俞氏年十七歸倬一年倬亡痛欲捐生爲

舅姑在留以盡供養立堂姪爲嗣年八十二親目見

五世一堂乾隆五十七年旌

監生阮大琮妻陶氏年十八于歸事孀姑以孝稱二

十夫亡辛苦守志撫孤以義方其子瑞雲少年入泮

泣曰吾可以對爾父於地下矣乾隆五十七年旌

徐台臣妻張氏年十七歸徐事瞽姑朝夕扶持二十

南陵縣志 卷三十五 列女

二十

四夫亡子又夭氏母欲嫁之誓不改適繼立叔子邦

彥撫之祀貞烈祠乾隆五十八年旌

庠生戴槐妻王氏年十六歸戴五載夫亡絕粒數日

遵姑諭撫訓幼孤孝養老姑乾隆五十九年旌

王百齡妻朱氏年二十三夫亡家貧苦節孝養孀姑

撫遺孤成立卒年六十七乾隆六十年旌

贈儒林郎潘人勝妻穆氏年十八適潘十九夫亡親

操井臼孝養翁姑撫遺腹子愛不忘勞苦節三十二

載以子榮勅贈安人祀貞烈祠乾隆六十年旌

劉科令妻秦氏年十六歸劉二十二夫亡二子繼天

夜投水甕被救不死孝事翁姑立姪爲嗣卒年六十餘嘉慶三年旌

張其媛妻劉氏年二十四夫亡苦歷冰霜孝事衰姑撫遺腹子馨入成均孫榮遊泮嘉慶五年旌

秦克昌妻陳氏年十七歸秦姑病療以股肉越二載夫病篤百計圖救不起勵志苦守撫猶子爲嗣訓以義方卒年六十餘嘉慶八年旌

管肇瑚妻陳氏年二十適管甫一週夫亡無子叔年幼勤紡績供養姑嘗割股以救姑病嘉慶十年旌

監生葉逢泗妻吳氏涇邑茂林女年十八適葉事翁

南陵縣志

卷三十五

列女

三十一

姑以盡孝聞姑病危自罄所藏買葠以救姑病二十

三夫亡守志三十六年不輕言笑不與酒筵嘉慶十年旌

劉宏岱妻戴氏年十八歸劉二十三夫病篤籲天求

代夫卒絕粒數日欲以身殉勉從翁諭撫孤痛姑先亡翁患足疾謹奉湯藥久而不倦翁歿殯葬如禮訓

子有方賢同歐母子青年名列宮牆皆母氏力也嘉

慶十二年旌

監生劉兆鯤妻張氏二十三歲孀事衰姑養生送死

婦兼子職撫孤成名卒六十餘嘉慶十三年旌

陳廷後妻胡氏二十二歲孀子天繼孫孫亡又繼三世弱寡備歷顛沛共凜冰霜卒年七十四嘉慶年旌

按廷後宗
志作廷俊

劉懷謨妻趙氏二十五歲孀節堅金石操勵冰霜循

婦職以奉翁姑篤母儀以綿似續備嘗艱苦勵志不渝卒年七十餘學憲戴以金萱玉節給獎嘉慶年旌

強瑞妻陶氏年二十五孀繼姪爲嗣撫訓成立幽芳貞節戚族稱之卒年六十餘嘉慶年旌

何志敏妻霍氏年二十生子甫週而夫亡父母諷改適不從勵志撫孤並日而食晏如也卒年八十道光

南陵縣志

卷三十五

列女

三十二

年旌

徐之樞妻葉氏觀貞年十八歸徐生子烈夫亡生遺腹子燦割股救姑病訓撫二子成立年五十四歲卒

道光年旌

施仁芳妻汪氏年十八生一子夫亡矢志守節曾有強奪其志者誓死不爲所奪登樓紡績自給絕跡不

下樓者數十年壽八十三歲卒道光年旌

姚希儒妻施氏初希儒病劇謂施曰我嘗母弱息汝責也毋忘我言死不憾遂卒時施年二十四髮跣悲

號手營殯葬如禮謹事瞽姑飲食坐起悉身親之數

十年如一日晨昏夜織教子紹虞比入泮無喜色虞
跽請故曰汝父何在謂我喜耶年七十三卒卒時命
虞曰葬我須於瞽姑之側姑在時跬步無我不能行
今渺渺泉路將復誰倚我願於地下長相引導也道
光年旌

李隆春妻徐氏年十九夫亡有富人章明者託媒灼
求婚於翁姑翁姑憐其少也婉諭之不從灼自向徐
盛稱章明徐厲聲曰汝去毋多言吾準辦死耳而章
明意猶未已厚禮幣以求翁允約夜半刲以行徐聞
登樓自經似亟梯樓解救半日始甦自是足不踰戶

南陵縣志

卷三十五

列女

二十三

外忍窮苦守壽至八十卒知縣馬國雄旌其門曰節
榮青史道光年旌

吳懋館妻任氏年十九夫亡一子甫在襁褓家貧如
洗人皆勸其改適任剪髮斷指誓撫遺孤樵汲躬親
事姑如母勵操三十年至四十九歲終道光年旌

劉甫瑞妻秦氏順姑副使仁管女有夙慧仁管携之
官教以讀書知文十六歲歸劉閨閣中抽書徵事紙
筆橫飛居然良友年二十二夫亡自爲文以祭悽惋
眞摯志凜冰霜立姪泰煊爲嗣煊自塾歸恒爲講說
小學孝經諸大義服除哭夫慕幾殞隨病逾月卒

道光年旌

葉蕃妻沈氏年十七歸葉九閱月而夫卒哀慟不欲
生自念姑老無子且腹已有娠飲泣忍死勤奉其姑
不數月生子時可上事下撫年五十一終道光年旌
何懋萃妻宦氏年二十三生一子纔十八日懋萃卒
勵志自守瀕死不移年八十四親見孫曾一堂四世
含笑而逝道光年旌

庠生童廷瑄妻沈氏瑄幼入泮嗜古篤學沈佐夫勤
讀嘗共檠女紅瑄卒沈年二十三子二俱幼姑臥病
淪股進霍然起後十餘年姑始卒凡舅姑喪葬事命

南陵縣志

卷三十五

列女

二十四

二子與諸伯叔均之曰當體汝父心不可以我婦居
貧乏辭也年六十餘終道光年旌

按省志作
童廷瑄

戴志宦妻畢氏年二十一宦卒欲以身殉自經者再
家人密防得不死撫叔子爲嗣辛苦成家卒年七十

三道光年旌

按宗志一
作戴志宦

張景星妻鄧氏二十八歲守節康熙癸酉間饑饉荐
臻道殣相望鄧竭力養舅姑撫二子相保無恙舅嘗
泣語人曰可憐我媳今歲惟知糠味也迨舅姑相繼
歿露室營葬攜子借棲姪鄧林棟家以苦節終身道
光年旌

戴永燦妻潘氏年二十四夫亡其姑以痛子臥病五載侍湯藥始終唯謹撫二孤成立次遺腹子廷拔復早世與孀媳陳氏同心苦守卒年五十五道光年旌盛大球妻謝氏年二十七夫亡伶仃孤苦紡績勤勞事舅姑循婦職養生送死戚里憐之卒年七十二邑令以貞靜維風給獎道光年旌

吳萬式妻胡氏二十八歲夫病割股療治及卒紡績勤勞孝事舅姑撫育幼穉卒年六十九道光年旌

紀承政妻童氏年二十四歲夫亡斷髮盟心躬井臼孝翁姑課子成名府學師以嗣徽清風給獎卒年七

南陵縣志 卷三十五 列女

二十五

十二道光年旌

紀承輔妻王氏年二十六夫亡鬻妝奩以資殯殮斷

指盟心訓子成立卒年六十五道光年旌

張學歌妻朱氏年十八于歸二十三夫亡甫產二雛

家徒四壁克勤克儉力持門戶撫子成立長之價娶

曹氏次起瑞娶岳氏二子復亡與二孀媳勵志苦守

撫訓孤孫一門三節人咸稱之朱卒年七十八道光

年旌

張之價妻曹氏年十六歸張十七價亡絕粒數日姑

勸保護遺腹遂與孀姑朱氏共苦守撫子成人卒年

五十二道光年旌

戴仲霖妻楊氏年十八于歸二十一夫亡爲夫螟嗣學憲周以貞靈垂型給獎卒年七十六道光年旌

監生朱世瑞妻章氏年十四歸朱二十四夫亡孝事

孀姑撫孤成立卒年五十一學憲汪以冰心柏節給

獎道光年旌

朱大蒸妻陶氏于歸時姑病療以股肉獲痊年二十

四夫病篤復藥股救夫不起姑以哭泣喪明氏扶持

孝養備至夫弟十齡孤纔數月鞠育教誨均賴成立

卒年六十餘學院周給扁獎之道光年旌

南陵縣志 卷三十五 列女

二十六

吳方剛妻張氏年二十七夫亡家甚貧勤紡績供舅

姑撫孤完娶卒年七十餘道光年旌

李人安妻錢氏二十二歲夫死茹荼苦志履潔懷清

以養以教閨閭儀型卒年約六十道光年旌

孫宏梁妻方氏年二十二夫亡矢志獨堅操作極勤

撫子成立又早卒復撫遺孫艱難辛苦備嘗之矣卒

年七十餘道光年旌

朱大全妻金氏年二十四夫亡甘貧守節勤儉奉高

堂劬勞育幼子年六十餘道光年旌

牧克允妻孫氏允力學志未遂早亡孫年二十五誓

死靡他家貧勤紡績供舅姑甘旨無缺訓子成森成人族稱醇謹云卒年六十餘道光年旌

李士傑妻馮氏年十九于歸二十四夫亡矢志苦守勤儉操作孝養翁姑撫訓遺孤際佐克自成立卒年八十四族以節孝稱學憲戴以筠節流芳給獎道光年旌

戴大訓妻胡氏二十二歲孀茹苦守貞撫周歲孤成立卒年約七十道光年旌

汪家倫妻李氏十八歲夫故家極貧日事女紅易米以養舅姑自食野菜終身不言人稱啞節婦卒年六

南陵縣志 卷三十五 列女

二十七

十六道光年旌

按省志作江家倫誤

庠生盛於斯妻王氏於斯盲廢潦倒以卒一女無子

王二十六歲守節外迫凶荒內蹙貧窶孝侍衰姑奉

養無缺卒年八十一

以下未旌

王可取妻朱氏年二十喪夫一子生甫五月堅志守

節歲屢荒夫兄勸再適朱泣曰餓死事小失節事大

勵操以老邑令姚表其閭

鮑一怡妻汪氏菊香年二十生子方週而一怡死翁

姑勒嫁斷髮明志父母強逼截耳拒之終身絕聞問

已而翁姑相繼逝赤手營葬勵益堅卒年七十知縣

姚自泓上其事於巡撫張公朝珍給粟帛扁曰節凜冰霜

沈濱妻陳氏十九守節七十三歲終侍姑及夫疾凡三封股終身茹素孀操凜然前後邑令俱以扁旌強儒奎妻秦氏年二十奎卒子文孝生纔數月矢志撫孤子復天秦抱姪孫迪先以嗣文孝長為娶婦年八十五終

夏一燦妻許氏年二十一燦病刲股和藥進翕聞藥有肉氣怒甚深被詬詈許含淚絕口不言燦卒誓死守繼姑嚴峻勒其改適自困辱之訖無能撼其志蓬

南陵縣志 卷三十五 列女

二十八

首垢容三年服除而病已劇其父母憐之輿以歸遂卒遺一女無子

姚鳳池妻陳氏年二十二夫亡無子撫螟蛉子之璽

家奇窘甘凍餒汲汲營葬舅姑與夫曰此外吾無事

矣卒年七十三

庠生何經妻文氏二十二經亡無子舅姑欲嫁之文

曰是速吾死耳抱姪為子教育不啻己出七十三歲

終

姚鳳雛妻童氏年二十守節生子之績甫四歲舅舜璣姑董先後病篤童兩齧臂肉進皆立愈後數年舅

卒侍姑寢處以爲常歲大祲拮据供菽水而自與子嘗竟日忍餓不使姑知也其父屢欲逆歸辭之曰吾不忍遠姑膝下乃並迎姑至家給田爲養八十九歲終

方正士妻崔氏正士卒崔年十九無出貞潔自勵有燕巢其室崔時慟哭燕輒翔舞如哀鳴狀卒年六十四族長伸以姪啟萊承其祀

劉一璜妻葉氏年二十守節荼苦備嘗竭力事姑教子萬鵬青年入泮未幾鵬與婦俱夭撫孫臣靖遊庠序卒年七十一

按府志
續作續

南陵縣志

卷三十五

列女

二十九

劉天祿妻黃氏未嫁而天祿病癱瘓父欲女他適女以死誓年十八歸劉侍湯藥三載生子甫三月夫亡苦節五十餘年事舅姑以孝稱卒年七十二

庠生葉滌妻范氏年二十夫死哀慟絕食數日姑泣勸再三乃食服除父母逼改適引刀示之終身敝衣不御華綺動紡績以養姑姑年七十餘始卒范以節壽終

學使秦才管繼妻王氏年十六歸秦生子纔七月而才管卒王年二十三攜子扶柩南旋未幾子殤二女皆前室生長已嫁次幼撫之如已出子初殤時泣請

於夫兄仁管以次子雍爲其後保護訓督倍至雍後以拔貢考授教諭王曰吾今可告無憾於冥冥中矣卒年七十二

孫奇逢妻章氏二十七歲夫亡遺孤三歲舅姑欲其另適不從茹荼守節至六十四歲終

文學劉錫貴妻余氏側室王氏錫貴早失怙事母贈淑人徐曲盡子職母亡錫貴以哀毀致病卒時余二十八歲無子王年三十生子嚙余憐愛教督甚於已出與王氏共勵冰霜者數十年嚙試輒不售意營鬱鬱余曰古不有以善養者哉何以祿爲明達如此余

南陵縣志

卷三十五

列女

三十

卒年七十有一王卒年七十有六後家孫運鮒以翰林遷侍御次孫位爲諸生有聲人咸謂天之所以報兩貞節也嚙猶戚戚傷二母之不及見云

萬明侍妻曹氏二十三歲夫亡生一女無子堅志守節夫兄以次子嗣之憮然曰吾今可告無罪於所天矣卒年四十六

按明府志
作民侍

王家金妻李氏初在室割股救母既嫁夫病又割股救之卒不起子女相繼殤李悲號憂鬱以死年二十八歲

戴應淳妻陶氏年二十夫亡生子文元未百日也父

母欲奪其志齧指泣曰戴氏三世惟此血孤吾誓與孤同存亡且吾姑亦苦守多年矣吾忍捨之去耶益修婦道課子讀書元入成均陶始卒年五十七王有珍妻黃氏年二十珍亡子廷相在妊方三月耳撫之成立遊庠序有聲其事舅姑尤謹以節壽終高楷妻徐氏年二十五楷卒勵志守節夫叔祖逼徐再適給以歸甯舁至途徐覺墮地觸石幾死凜不可奪後爲立嗣壽六十有二卒

孫繼相妻許氏年十七歸孫閱八年姑歿夫邁危疾救以臂肉不起時許年二十五淒風破壁勸織維靡

南陵縣志

卷三十五

列女

三十一

晝夜遺孤謨年十六早喪婦亦他適子然一身竟夕

悲號族人憐之復以姪孫震嗣焉卒年五十五

何其音妻孫氏年二十適音越七載音亡遺孤志公

甫週歲孫苦守教之入泮學使遂甯張公旌曰貞淑

遐昌

何其意妻周氏婚一載意卒周時年十七遺腹生子

必達勤儉自勵課子尤嚴年六十邑令屈書遐年貞

婺旌之

何一嵩妻孫氏年未二十嵩卒無子孫欲自盡姑再

三慰勸立姪懋彰爲嗣茹苦教育以底有成年四十

餘以節終

喬艾妻童氏艾以苦讀致疾卒時童年十九無出家貧其父使人逆之歸將使另醮童峻謝終身不歸獨居一室紡績自給不立嗣惟待死而已年七十三病垂危出笥中書帙語姪曰汝伯父畢生精神在焉我藏弄五十四年不敢隻字遺汝其永守之言訖而逝戴志軾妻張氏軾卒時張年十九日夜號泣淚繼以血舅姑以存孤泣諭哀稍節茹苦訓子上廣入泮食餼年八十七卒廢事母以孝聞

朱仲星妻孟氏十九歲喪夫誓死守節飢寒困頓百

南陵縣志

卷三十五

列女

三十二

折不移卒年七十七

文祖漢妻胡氏于歸甫三載夫亡年十八生子居振

纔週歲勵操撫育艱苦備歷人共憫之卒年八十二

孫履錦妻曹氏年十八夫病篤日夜籲天求代及卒

慟哭屢絕未舉子立夫兄子奇馨爲嗣嚴督課補邑

庠生其母家屢逆歸甯曹泣謝曰未亡人無歸甯禮

獨居一室晨紡夜織不起履戶外者凡二十九年始

卒

按徐志云舊志作孫履端誤

庠生張體達妻曹氏年二十五體達病甚刲股救之

立起又三年卒遺二子幼者隨天曹撫長子娶婦生

孫俄子與婦偕亡復撫孤孫及見成立年七十九卒
俞曰丙妻朱氏年二十四夫亡家貧姑老奉養甘旨
無缺越五年被回祿無絲粒存力勤紡績以資贍養
一日見鄰婦改醮其孤挽衣慟哭手推仆地登輿去
朱感憤自傷曰爲婦不幸而寡何爲久活人世致此
忍心入室大哭操刃自裁姑駭奪刃曰汝素孝今欲
速我死耶乃止勵操至五十四歲卒

戴上簡妻李氏年十六適戴踰年簡卒子英甫匝月
妯娒有諷之嫁者泣曰所以不與夫偕亡者以此藐
孤在耳豈反爲人所鬻耶紡績自給家政肅然英長

稍忤意輒命跪而責之年八十二卒

戴上許妻朱氏年二十四許卒母令改適死拒之撫

二孤嘗挑菜和糠覈以食備受荼苦卒年七十九歲

戴上助妻劉氏助卒劉年十九家赤貧營數日不火

淡然安之撫遺孤其龍長生二孫已而龍與二孫相

繼死復立孫嗣之卒年八十四

謝德修妻戴氏年二十七夫亡生子二長六歲次彬

甫四齡家奇窘吞聲飲泣勵節彌堅至六十四歲卒

彬補邑庠生每言及母節輒隕淚如雨

庠生吳瑛妻汪氏年二十六夫亡無出妾生一子人

有以他適勸者汪曰妾子非吾子耶乃砥志勵操偕
妾撫孤成立卒年七十四

王文選妻李氏選弟茂達妻徐氏選卒李年二十八

達卒徐年二十一妯娒影形相依勵志苦守共孝事

翁姑各撫孤有成李九十二歲卒邑令旌其門徐亦

節壽終

庠生馬一鳳妻朱氏鳳以闈試感疾卒時朱年二十

七歲子國佐甫八齡朱砥節教之齧蘖茹冰至七十

歲終邑令趙旌以貞操永年

吳尙亨妻謝氏年二十九夫亡生六子皆幼拮据捋

茶俾各有室少子爵補邑庠生謝七十五歲以節壽

終

汪元誥妻胡氏二十夫亡一子生方數月有逼再醮

者投河拒之家貧復被火地無立錫盡無餘粟竭蹶

以養舅姑撫孤子卒年六十有三

王楨妻何氏年十四即割股療祖母疾于歸姑病復

割股救之皆立愈二十時夫病又羹股進不起忍死

守節教育遺孤七十四歲終

程學和妻何氏年二十四夫亡守節撫孤善承衰姑

志意卒年六十邑令王旌以扁額

王的秀妻吳氏割股救翁病事繼姑惟謹年十八夫亡奉夫木主於室內所遺書籍皆陳几上一如生前飲食必祭祭必號哭不踰年竟以哀死

劉應廣妻任氏性孝謹舅姑極憐愛之年二十四應廣病刲股進不愈三子皆幼家酷貧姑勸再適不允姑病割股救之苦節終身邑令趙旌其閭

知縣劉應熙妾段氏熙卒時段年十八誓死守其正室王生有七子未幾王卒段撫其三幼子恩勤備至翁命以第七子宏捷爲其後勵操以終

汪巨山妻於氏年二十六夫亡舅姑相繼沒食貧堅

南陵縣志

卷三十五

列女

三十五

守宗族憐而周之以悲哀成疾三十九歲卒

劉玠妻梅氏年十九夫亡父母強其再醮不從欲立叔子爲後叔難之梅哀號絕食叔因以次子承其後苦節四十餘年卒

徐一鑰妻王氏年二十夫病救以股肉不愈矢志不渝敬事衰翁復羹股以救翁病獲痊守節至老臺使衛旌曰孝純節苦

李世衡妻朱氏有娠方五月衡病篤泣謂曰我死汝少奈何朱乃齧指灑血滿衣曰藏此爲信衡卒越五月生子保護備至稍長出父遺書泣授之曰汝宜奮

發慰父九泉既而授室有孫又督課其孫故今孫枝多能文者初孀時姑以哭子屢瀕於死朱時解顏慰勸而私哭於他所見者必囑曰毋使吾姑知吾哭也家貧歲荒嘗終日忍飢有富人欲強聘之朱引刃加頸血流被體人亟救得不死七十二歲服所藏血衣而卒

按李世衡省志府志世作時宗志衡一作恒

邵重妻盛氏年二十七守節鄰媼數以家貧難守勸改適盛怒齧一指示之指墮地猶躍起數四見者驚愕泣下莫敢復言事姑尤孝一夜盜執其姑亟以身衛刃傷左臂仆地右手仍抱持其姑不捨盜爲感動

南陵縣志

卷三十五

列女

三十六

釋去勵操至六十六歲卒

潘文生妻劉氏年二十八夫亡有勸再醮者乃服毒垂死妯娌救之甦撫遺腹子成立家有數喪未葬劉悉葬之其曲成夫志類如此

袁秉松妻馬氏年二十六夫亡無出家赤貧勤紡績自給銖積寸累久之量自存衣衾喪葬諸費外悉以助修橋梁周貧者年五十五以節終

王家翰妻張氏年二十五夫病割股救之不起守志撫孤以節壽終

萬應前妻王氏年二十三夫亡無子立姪爲子躬緘

紆以教之性嚴毅動循禮法孀居數十年不一步踰
國外

范大宏妻王氏二十八歲宏卒王拮据成家教子遊
泮貞操至六十六歲終

廩生汪偉妻張氏偉病張療以股肉不愈遺孤自英
方數齡內外無親舅姑相繼歿喪祭盡禮族黨稱焉
英長嚴教之弱冠食餼後課諸孫一如課子垂老不
倦卒年六十有三

王五先妻李氏十六歲適王明年歸視母病聞醫言
病不起潛刲股投藥中母霍然起又數年夫病李私

南陵縣志 卷三十五 列女

三十七

念曰吾股可以救母獨不可救夫乎藥以進不愈乃
矢志撫孤復傷悲慟以死年四十一歲

劉啟妻高氏年二十夫亡生子纔三月矢志撫孤舅
姑強再適輿已入門閉戶自經人排闥入救得甦砥
節至六十五歲終

吳玉妻方氏年二十八夫亡子二長三歲次遺腹生
誓死守節勤操作以事舅姑姑病刲股進乃瘞舅姑
歿竭力營葬焉

按宗志方
一作王氏

劉一峻妻孫氏二十四歲夫亡性嚴肅居恒自親姪
外人罕識其面孝事老姑勤教諸子有丸熊畫荻風

子若孫俱爲諸生有聲

王有秀妻紀氏年三十三夫亡無子夫伯勸再適不
聽歸母家母亦以爲言憤曰人所異於禽獸者以有
節義耳今欲我爲禽獸耶遂奮身投入金獅港中援
之起乃自立嗣紡績爲生薪水皆自力子長爲娶婦
營地葬夫並先世四代未葬之喪悉葬焉

何天翼妻吳氏年二十九夫亡姑老子幼謹事病姑
不頃刻離姑時悲憶其子輒款款以解之姑嘗語人
曰我幸有孝婦也教子成立卒年四十有九

陶之愷妻崔氏勤勤夫學夫病刲臂療之不愈舅姑

南陵縣志 卷三十五 列女

三十八

年老倍極孝養督課遺孤俾遊庠序年五十時知縣
杜源額旌之後至八十三歲卒

夏一鸞妻陳氏年二十七夫亡家貧堅志勵操其姒
亦孀也家饒裕輪養舅姑陳每先期節粒減餐調甘
旨以待不敢以貧竇辭也初遺孤二歲時痘遭危症
氣微屬逾日矣陳號泣於廟曰願減已年毋斬鸞嗣
已而兒復甦後娶生子稱克家云

戴廷拔妻陳氏年二十三夫亡欲以身殉以孀姑在
立伯子爲嗣勵節一承姑志卒年六十四

文世添妻胡氏十歲歸文二十四夫亡家無寸土紡

績供養孀姑臥病三載竭力事奉人勸改適斷髮矢志子殤抱養叔子爲嗣艱苦備嘗堅貞彌烈卒年七十二

高灝妻朱氏二十二歲孀姑憐其少無子勸再嫁誓死守卒年六十八

徐行調妻張氏二十二歲孀奉瞽目之姑能盡孝養撫承繼之子克盡義方卒年七十七

孫鳴華妻楊氏二十五歲孀子楊校復早卒與弱媳徐氏共勵冰霜卒年六十五

按府志鳴華作鳴驊

孫楊校妻徐氏二十三歲孀善事承姑志克繼姑貞

南陵縣志 卷三十五 列女

三十九

一門雙節里黨欽之卒年七十

梅餘楊妻張氏二十四歲孀勵志守貞貧無以殮父代葬之卒年五十九

增生戴廷翼繼妻徐氏邑庠徐孝嘉女幼事父以孝聞年二十翼卒家貧奉姑撫孤孝慈兼盡其子登博學多聞爲醫序知名士人謂天之報徐氏矣卒年六十五

紀粹妻孫氏年二十一夫亡值歲凶自甘藜藿竭力奉姑族伯欲奪其志氏奔墓以頭觸碑幾死伯畏懼而止卒年八十八

張國衡妻汪氏十八于歸逾年夫歿奉姑盡孝立子傳宗卒年八十三

袁秉祚妻丁氏年二十二夫亡孝事翁姑撫孤成立縣令周以勁節凌霜給獎卒年六十

孫其環妻方氏年二十而寡矢志守貞子宏泗又早卒偕媳章氏並持勁節卒年八十四

孫宏泗妻章氏年二十夫亡孝事孀姑誓同死守榮姑媳顛厄相依學政朱獎以孝繼姑貞扁額卒年八十七

庠生陶達妻何氏年二十一夫亡家清貧克盡孝道

南陵縣志 卷三十五 列女

四十

撫遺孤教以義方雖衣食不周而課學不懈其子紹遊泮繼志皆氏力焉卒年六十六

汪學萱妻高氏年二十五夫亡生子僅週歲矢志守節言笑不苟攝家政內外肅然子稍長隨翁讀忽天

翁姑痛欲絕氏忍泣解顏相慰後立叔子爲嗣雖極保護督課維嚴學憲徐獎以節孝二字卒年四十五

戴一啟妻高氏年十六適戴二十六夫亡即願捐身與夫同穴迴思上有白髮下有雙稚辛苦全貞艱難

勵節撫孤成立卒年八十一

盛士貞妻陶氏年二十一夫亡遺孤甫週歲姑年六

十家貧勤紡績以資饋粥孝敬無虧子又中殂僅存一孫貞操愈勵卒年八十一學憲周以金資益茂給獎

庠生何廷芳妻劉氏年二十六夫亡勵志苦守訓子其敏勤讀入泮敏又早亡率孀媳程氏相與共守節凜冰霜卒年七十九

孫繼楠妻張氏年二十一夫亡家貧無依紡績自給立嗣撫育苦節堪憐卒年七十九

按府志繼楠作維楠

孫家庭妻汪氏二十一歲孀孝事衰姑慈撫幼子冰操自勵者三十三年卒年五十三

南陵縣志

卷三十五

列女

四十二

徐道盛妻葉氏年十九適徐二十二夫亡無子誓不嫁立姪善漢以承夫祧娶媳王氏甫三載漢又夭王亦不再醮立姪愛爲嗣相與共苦守數十年稱姑媳雙節葉年五十五卒

廩生劉承幹妻葉氏承幹二十二歲食廩餼文行兼優督學觀公獎之曰士林翹楚三十而卒氏年二十六事舅姑至孝無子繼立胞伯庠生承鑑次子夢清爲嗣夢清由廩入貢有文名皆氏以養兼教之徵也卒年六十八

何士衮妻周氏年二十適何甫五月而夫亡遺腹生

子占吉舅姑以年老家貧命氏更適氏誓死苦守紡績度日孝事舅姑撫育遺孤婦兼子職母兼父道卒年六十八

按宗志士衮作士衮

劉于成妻湯氏年二十三夫亡遺孤僅週歲勤紡績以事翁姑及歿喪葬盡禮秉性幽貞遂終其志卒年五十一

舉人何紹江妻孫氏年二十五夫亡矢志守貞姑患瘋痺左右調護惟謹江卒時生子甫三月氏撫孤成人紡績課讀子鴻植爲郡明經嘉慶十年族鄰呈請學憲周以閭閻完人給獎卒年五十

南陵縣志

卷三十五

列女

四十二

何懋綵妻曹氏年二十四夫亡矢志守貞孝事翁姑以伯懋楫之子承繼撫養成人嘉慶十年學憲周以閭閻完人給獎卒年七十四

監生張起瑞妻岳氏年十七歸張二十二瑞亡生一子煥煥襁褓事孀姑朱氏盡孝訓遺孤光亨以義卒年六十學憲戴以松筠著代給獎

監生何拭妻孫氏年二十六夫亡舅姑衰病奉養不懈撫遺孤紹珙成人娶章氏珙又早亡姑媳煥煥相依連遭數喪家益窘日事紡績度日孫卒年七十四

一門雙節人咸欽之

按宗志何拭一作何抑

庠生王濟彥妻胡氏年二十適王二十四夫亡嘗割股以療姑病立子圻撫教成人娶徐氏圻又早世姑媳孀居節凜冰霜胡卒年八十

陶如日妻王氏二十五歲孀茹荼食苦甘旨奉姑郡守孫以節孝流芳給獎卒年八十二

強顯允妻馮氏二十五歲孀一子早卒家貧孫幼姑媳勞勞辛勤備至卒年六十八

監生李摺颺妻潘氏年十六于歸二十一夫亡慟哭屢絕上事下撫孝慈兼盡卒年五十

姚方瑞妻吳氏二十一歲孀家貧益自刻苦終身不

前陵縣志

卷三十五 列女

四十三

見笑顏卒年七十五

按府志姚方瑞作錢方瑞

盛士珠妻朱氏年二十四夫亡家貧貞守孝養翁姑備極辛苦教子成人次子時桂名列郡庠學憲戴以松貞謫壽獎之卒年八十五

廩生黃虞輔妻洪氏妾湯氏洪適黃數載未育勸夫納妾湯氏夫亡時洪年二十六湯年二十三共誓死守形影相依貞操如精金美玉洪卒年九十湯卒年五十九學憲周給扁獎之

秦人杏妻陳氏年十九夫亡生子僅週歲奉侍孀姑撫孤成立家貧乏姑櫻目疾孝養不衰卒年六十一

學憲周以閨闈完人獎之

朱守伸妻柯氏年二十六夫病求以身代夫亡矢志守貞家貧姑老孝養不懈姑病奉湯藥衣不解帶者數月卒年六十七

王世炳妻沈氏職員沈國棟女年十九歸王二十一夫亡舅姑已歿惟祖姑在堂孝養不衰立子承祧苦節自矢全憑針黹度日卒年七十三

張森美妻朱氏年十六歸張孝事翁姑佐夫勤讀二十六夫亡撫育遺孤成童授室不意未亡人淚眼將枯子復早喪可憐娘愁腸莫解孫又云亡數十年間

南陵縣志

卷三十五 列女

四十四

顧沛頴遭艱辛備歷乃復撫訓曾孫祺勤誦讀繼祖武名列郡庠學憲周以金萱益茂給獎卒年九十三
盛士龍妻崔氏年二十歸盛二十六夫亡誓死守二子繼天含淚撫孫貞操堪憫卒年六十七

孫宏瑗妻甘氏年二十六夫亡矢志守節孝養衰姑撫訓幼子邑令康給以冰雪貞操扁額卒年六十

志宏瑗作宏瑗

孫嘉惠妻甘氏年二十五夫亡事姑不懈持家克勤遺子襁褓撫養成立雖柏舟之操何以過之學院朱給以宏獎幽貞扁額卒年六十三

劉孝思妻何氏年十八于歸二十一夫亡秉性幽貞持躬淑慎事姑以孝教子綦嚴卒年五十一

汪介福妻王氏年十七適汪未週夫卒矢志靡他立伯子爲嗣敬事衰翁尤好周人急難卒年四十八學院周給扁獎之

州同王京仁副室李氏年二十四孀先是嫡俞氏生一子弱冠早卒氏于歸事嫡如母敬謹無違舉丈夫子二長已授室入成均忽亡撫次子成立輔理家政井井有條可稱婦德兼有婦功卒年七十四

朱子健妻劉氏二十歲孀截髮茹荼貞操不渝終其

南陵縣志 卷三十五 列女

四十五

天年孝慈裕後卒年七十五

朱之佩妻魯氏年二十五夫亡誓死靡他上事下撫卒年六十學憲戴以徽流彤管給獎

庠生劉錫爵妻曹氏曹夢箕女適劉五載夫染病服事惟謹夫亡哀毀不踰節每遇歲時及夫生日忌日輒慟哭幾死抑鬱成疾嘔血而亡時年三十七

陳家丁妻徐氏年二十六夫亡家極貧破屋半間矢志苦守上供老姑下撫二子成立卒年五十四

紀聖箴妻王氏年二十適箴二十六夫亡撫孤成立姑病九載供奉湯藥寒暑無間卒年六十二

文富坦妻王氏年十六于歸十八夫亡操作勤苦以供孀姑撫孤成立卒年七十學院周以閨闈完人給獎

庠生葉世榮妻馮氏年二十四夫亡子必鉅有文名工四體書法早卒與孀媳徐氏共苦守人稱一門雙節卒年五十

丁有修妻繆氏年十九孀因夫讀書不遇抱憤以終子讀未就督孫文炳勤學入泮竟夫志也卒年七十

按宗志繆氏一作穆氏

王一生妻戴氏二十二歲孀勵志撫孤以延王氏一

南陵縣志 卷三十五 列女

四十六

線之祚昆弟欲奪其志覓死者三人稱節烈卒年七十一

王茂元妻賈氏二十二歲孀家貧苦守竭力事姑立堂姪撫養成家卒年五十三

王世綿妻蔣氏年十六歸綿孝事翁姑綿因喪父哀慟成疾氏籲天求代二十一歲夫故無嗣家貧繼子承祧後以中壽卒

秦人枚妻張氏年十九適秦執守婦道二十一夫故遺孤週歲投繯自誓以翁姑年老幼子無依忍淚治喪晨春夜績孝養不衰撫孤成立年六十時學憲周

以閨闈完人給獎

盛光基妻從氏年二十一夫亡無子家貧奉翁姑孝養無違撫繼嗣辛勤備至阨窮堪憫節孝兩全卒年六十學憲戴以茹荼勵志給獎

監生吳池清妻何氏年二十七夫病祝天祈代夫亡欲以身殉遵姑諭勉力撫孤俾得成立其奉姑尤孝謹生養死送靡不竭力卒年六十餘

張天怙妻陳氏年二十四夫病割股以救夫亡矢志守貞家貧孝事孀姑撫訓二子成立卒年六十餘學

憲周以閨闈完人給獎

按宗志天怙作天怙

南陵縣志

卷三十五

列女

四十七

張景楚妻潘氏監生潘人鳳女年十八適張二十二夫故生一子天螟蛉伯子爲嗣孝慈兼盡操守倍嚴卒年五十餘學憲周以閨闈完人給獎

周四齡妻汪氏年十九夫亡無出立子以承夫祧依姑爲命矢志靡他姑歿年九十餘哀慟幾絕其節孝如此卒年七十七

汪學連妻阮氏年十九適汪二十四夫亡事高堂婦兼子職育幼稚慈秉嚴綱從一而終貞心永固年六十六時學憲周以勁節春暉給獎

汪百椿妻葛氏年二十二孀子方二歲撫至娶媳復

早卒生遺腹孫三載又天姑年八十三目擊三代天殤二氏顛連狀悲痛成疾氏侍湯藥不衰及姑卒殯送並營葬諸喪與孀媳孫氏勤紡績共苦守卒年七十餘學憲戴以介石貞松給獎之

監生朱必輝妻彭氏年二十五夫亡慟絕復甦服縞茹素事孀姑盡孝撫孤大縉成立名列明經復早卒僅遺一孫相依爲命卒年六十餘學憲戴以松柏同心獎之

汪可泮妻俞氏年二十三夫亡生二子長三歲次末週家貧鄰里勸改適氏泣辭茹苦終守敬翁撫子翁

南陵縣志

卷三十五

列女

四十八

歿殯如禮卒年七十餘學憲周給扁獎之

徐有厚妻羅氏幼養於徐家故貧年二十七孀生子甫五月勤儉依姑度日三載姑歿慟哭甚於喪夫惟恐孤寡不克自樹立也日攜幼子代人春鋤夜勤紡績子稍長抱養媳勉撫成家卒年六十餘

戴文提妻劉氏二十三歲夫亡慟哭絕粒姑諭以撫孤事大泣領命茹苦守貞卒年約六十學憲周以貞閨衍慶給獎之

庠生何紹珍妻孫氏年二十三夫亡孝舅姑訓子夢楠名列膠庠年七十學憲吳以月皎冰清給獎

戴大學妻劉氏年二十五夫亡慟哭欲絕姑責以大義含淚撫孤守志不二勤紡績以全節孝年七十一學憲戴給慈竹春暉額獎之

李昉瑞妻劉氏年二十五夫病篤氏延醫調治不愈籲天求代夫亡慟哭幾絕忍死苦守家貧勤紡績度日孝養衰姑螟子爲嗣撫訓成立卒年約八十

王華鐸妻劉氏二十五歲孀奉翁姑克循婦道撫遺孤教以義方宗黨稱賢堪標彤管卒年約六十

陶淮信妻梁氏二十五歲夫亡孝事孀姑勤紡績延師課讀孤賴成立卒年六十餘

南陵縣志

卷三十五 列女

四十九

王世匡妻唐氏年十七適國二十四夫亡剪髮置夫棺中誓不再醮姑病瘵疾侍奉二十餘年不懈家貧

晝夜紡績延師訓子卒年六十餘

王嗣譜妻丁氏年十七適譜二十一夫故遺腹生女氏奔夫墓以頭觸碑欲與偕死族鄰苦勸爲立子承

祧卒年八十

按宗府嗣譜一作嗣倫

戴廷閭妻孟氏二十六歲孀家赤貧每爲人鍼紉浣衣易米以給老幼忍饑寒無異志卒年七十餘

戴貴徵妻朱氏年二十四夫亡貧甚舅姑欲嫁之朱曰二老在堂遺孤在抱他適何忍爲備嘗苦楚貞操

不移卒年約七十

葉時光妻王氏二十二歲孀甘貧勵節孝奉衰姑苦撫二子俾各成立卒年六十餘

徐有汾妻王氏年二十三夫亡子天惟太翁暨姑在堂勤紡績資供養佐姑全孝罄已產爲二叔娶妾冀全宗祧卒年六十餘

於守雷妻朱氏年二十四夫亡矢志撫孤躬親井臼敬養衰翁宅遭回祿火及門奮身投火負翁出時人謂有神助卒年七十餘學憲王以柏舟清節給獎

劉運賽妻朱氏年二十二夫病危割股救不起誓死

南陵縣志

卷三十五 列女

五十

靡他不及事翁姑奉太翁太姑惟謹得其歡心撫孤成立援例成均卒年約六十

劉孝憲妻王氏年十六歸憲二十四孀奉孀姑撫孤子以孝以慈閨中完節卒年約六十學憲戴以松茂蘭芳給獎之

汪百頤妻徐氏年十八歸汪動循禮法謹事舅姑二十五夫亡生子未週哀慟水漿不入口從舅姑諭含淚撫孤勤女工以供舅姑督孤子勤讀成立卒年約

六十

按府志百頤頗作百頤

張景琯妻王氏年二十一夫亡家貧苦守立姪爲嗣

復早卒立孫承子祧未幾孫又亡親族憐之爲立曾孫焉卒年八十餘

孫由巢妻董氏二十一歲孀克承姑志勵節清操立嗣承祧閭範可風卒年六十餘

孫家秋妻方氏年二十二夫亡家貧苦守敬事衰姑撫孤恒嚴子遇春入郡庠猶未嘗姑息焉卒年約八十

孫家運妻徐氏年二十四夫亡嘗爲人傭紡績以給姑膳教二子自以勤儉率之漸積贏餘二子俱名列成均而氏猶藍縷自安焉卒年七十餘

南陵縣志

卷三十五

列女

五十一

孫家燈妻羅氏年二十三夫亡哀慟生子甫二歲撫教成人家道漸裕猶勤紡績焉卒年六十餘

朱守樞妻王氏年二十五夫病割股救不起家貧矢志不變甘艱苦依孤爲命撫訓成人卒年七十餘

吳良恂妻徐氏二十五歲夫死欲殉痛事育之任重強忍茹苦孝養翁姑撫孤成立卒年約七十

王文友妻阮氏年二十四夫亡守節完貞不履戶外者數十年撫子有成卒年六十餘

庠生徐越妻王氏越十八歲入泮二十而亡王年十九生遺腹子教之業儒姑染病三載未嘗解衣就寢

伯早喪無子代爲繼立撫養成人宗族欽其孝慈兼盡卒年七十餘

張其斌妻楊氏年二十四夫亡家貧苦節孝事翁姑撫孤成立卒年五十餘學院戴以茶甘砥節給獎

孫宏世妻汪氏年二十二夫亡翁姑痛哭幾至喪明氏抱猶子於前強顏解慰而自向隅掩泣其苦節全孝類如此卒年約七十學政汪以雅操堅持給獎

王光杓妻戴氏年二十二夫亡操井臼以盡孝養與繼姑無間言繼理家務立叔子爲嗣卒年約六十學憲戴以松操萱壽給獎

南陵縣志

卷三十五

列女

五十二

汪學崔妻丁氏年二十四夫亡誓志守節家貧勤織紵以資孝養翁姑歿殯葬如禮撫遺孤慈嚴相濟俾至有成卒年六十餘學憲周以閨闈完人給獎之

張發步妻陳氏年二十二夫故敬老撫孤艱辛備歷晨春暮績食苦守貞卒年約六十學憲戴以貞閭衍慶給獎

庠生朱大安妻潘氏年二十五夫亡痛哭幾絕生二子次又亡哭泣喪明終身荼苦人共憫之卒年六十

餘

按宗志大安一作文安

朱日晉妻張氏年二十四夫亡冰霜勵節敬事衰翁

卒年約九十歲目觀五世知縣周給扁獎之

束自新妻胡氏二十四歲孀孝事翁姑勤苦訓子成名卒年六十餘學憲周以茹荼勵節給獎

葉必鑽妻高氏二十一歲孀孝事翁姑甘貧勵節鄰里哀之卒年七十餘

監生李芹芳妻徐氏二十九歲夫亡紡績度日矢志靡他孝養翁姑慈撫遺孤卒年約六十

陶琬忠妻奚氏年二十五夫亡茹苦守志孝事衰姑撫孤承嗣閨闈完人卒年九十

俞以茂妻李氏年二十夫病篤願天求代夫亡觸棺

南陵縣志

卷三十五

列女

五十三

幾絕痛念夫祧無承舅姑衰老夫弟幼稚矢志苦守操作辛勤敬事舅姑螟夫弟以德子訓開爲嗣撫之

成立卒年約六十

以上舊志

陶瑞卿妻吳氏二十三歲夫亡守志撫孤愛護周至然訓戒極嚴年七十教諭俞訓導許贈以節壽雙榮

扁額

以下
未旌

陶瓊生妻吳氏于歸數年夫亡子在襁褓矢志撫孤及長授室生一孫而歿家道中落氏躬井臼哺孫成立卒年七十四

業儒劉德春妻潘氏夫故家貧如洗氏矢志撫孤閉戶紡績近鄰罕見其面咸豐十年賊入境開濠將及德春墓子適遠出氏覆塚慟哭二日賊感而繞過之恐終不免憂憤成疾卒年六十三以子樹棠助賑封宜人

拔貢張聞韶妻聞氏銅陵聞時需女二十八歲夫故躬操井臼孝養翁姑咸豐兵亂攜子媳逃諸江濱積勞成疾臨終猶以毋從賊逆戒其子卒年六十四

監生劉鳴盛妻趙氏夫病籲天求代及歿誓以身殉姑勸曰汝所生女我兒愛如掌上珠汝死失乳如夫

南陵縣志

卷三十五

列女

五十四

遺愛何氏領姑訓飲泣哺養逾年夫弟生子姑命爲嗣旋痘夭泣拜姑絕食死

劉德衍妻徐氏夫亡事翁撫子各盡厥職咸豐十年賊入境二子被擄氏以首觸夫墓死祀節孝祠

劉運文繼妻奚氏二十六歲夫故家極貧父憐之曰爾苦節若生計何對曰女命淑夫不亡父義之後以姪宏珩繼旋天復繼姪宏錦爲子

劉運鍾繼妻徐氏年二十四夫亡欲以身殉念子甫數月失恃無以資生節哀撫養冀其成立後子殤氏以悲痛撓疾卒

從九劉夢蘭妻蔡氏年二十九夫亡三子俱幼矢志苦守後長子承寵納粟成名次承恩三承澤均入武庠孫寶賢中武舉寶清入邑庠子孫昌達皆氏教養所致也卒年八十五

從九賁世麒妻丁氏年三十夫故二子甫離襁褓加以頻年兵燹無家可歸氏攜二子避亂三山事平回里遣長子經商自立次子讀書食餼教養兼施備嘗辛苦卒年七十七

繆禹妻徐氏年十六歸禹生四子一女禹逝氏呼天搶地痛不欲生繼念身死子女無託苟且偷生撫養

南陵縣志 卷三十五 列女

五十五

成立守節數十年哀慕之情無時或釋

繆漢章妻林氏年二十七夫亡勺漿不入誓以身殉妯娌力勸乃止脫簪易服終身縞素撫養三子一女成立

劉昌秀妻鄧氏二十九歲孀二子相繼殤家貧如洗茹苦事姑終無怨言卒年五十三

劉卯中妻湯氏二十六歲孀一子甫週父母欲令再醮氏以死誓翁姑衰老色養兼盡人以孝稱卒年四十有九

庠生沈湘妻徐氏家貧事姑無闕咸豐九年粵匪圍

城總兵陳大富諭湘督民團巡視北面夜出氏必危坐姑室次年糧盡總兵拔師出氏相夫奉姑負子同出避難中途爲亂民衝散氏念姑老無人侍奉四出訪尋數月始遇於王氏祠中攜至三山寄居賣餅嫗家傭工爲姑薪米需十一年春湘亦尋至一家相慶未幾姑與夫相繼病歿氏力疾經營葬姑若夫光緒二十年卒苦守三十三年課子席珍食餼

姚舜華繼妻程氏夫亡家貧子鳳雲尙幼父恐不能終保欲令他適氏泣曰昔父母以女適姚惟命是從今復他往二其行也不敢從命甘苦食貧撫孤終老

南陵縣志 卷三十五 列女

五十六

壽七十一

姚鳳翹妻崔氏夫亡二子均幼痛不欲生族父老從旁勸之曰爾死藐孤奚託因節哀起治喪事勵志撫孤不數年長子天益以撫訓次子爲念

姚學雲妻趙氏子在抱夫亡誓守貧無爲炊沿門乞食不改節操後積餘資爲子娶婦生孫以遂厥志至就木語諸孫曰吾今可告無罪於爾祖父矣

牧欣然妻王氏二十三歲夫亡守志撫子宏剛成立娶媳王氏未及一週剛歿媳以身殉伶仃孤苦人共哀之

牧德諒妻章氏二十五歲孀長子甫成立亡次子入武庠亦亡氏與次媳曹氏共勵冰霜撫遺孫成立卒年八十二

總兵徐錦標繼妻趙氏夫故甘茹冰蘖儀容貞靜奉祀事必腆洗每臨娣姒輦說古節孝事娓娓不倦鄉閭咸稱其賢光緒三十二年卒年六十三同治九年守節計三十七年

葉克龍妻方氏夫亡守志善承姑意一日姑病延醫診視言非兔肉不治氏尋覓未得時值大雪適有兔竄其室氏喜曰此天賜也烹奉其姑病果愈家貧氏

南陵縣志

卷三十五 列女

五十七

以針黹餘資延師課子事聞邑侯以節孝流芳旌其閭

程定魁妻陳氏青年守志善事翁姑間有不悅意時輒長跪問其所以必俟改容而後起咸豐年粵寇橫行氏以完節終

汪國林妻徐氏適汪五年夫以療疾卒勺漿不入口者數日人以姑老子幼勸始飲泣事姑節哀撫子

汪印章妻方氏年二十舉一子夫歿痛欲捐生念孀姑在權留以代子職並以盡孝養撫孤子成立

王祥林妻葉氏二十六歲孀夫兄欲奪其志堅拒之

戒殺除葷撫五歲子成立卒年七十二

徐延慶妻潘氏年二十九夫亡四子幼舅姑患目疾欲氏招夫奉養堅不允茹苦含茶事舅姑甘旨無闕撫四子愛不忘勞卒年六十六

朱世虎妻王氏二十九歲孀家貧誓守除夕乏糧啜芋度歲不易厥志苦撫二子成立卒年九十三

黃見復妻張氏年二十五夫亡無子欲爲立嗣言於翁翁以期功無可立姑緩之閱十餘年氏病迎父至請於翁前立再從兄子鶴爲嗣病甚父迎歸不數日急召鶴至已不能言睜目視之卒鶴扶櫬歸

南陵縣志

卷三十五 列女

五十八

黃有華妻楊氏年十九夫亡無子有勸氏嫁者以死絕之守十二年卒族人憐之爲之立嗣

王奪標妻孫氏年二十七賊入境夫與長子被擄氏攜幼子行乞有勸鬻子改醮者哭拒之以苦節終

宋道熙妻方氏年二十五夫亡姑憐其少欲嫁之氏泣曰媳不卽死者以姑與子也苟可去義當速死何生爲自是姑不復言卒年六十餘

宋道長妻何氏二十五歲孀其母欲令改適氏以死誓甘苦食貧以完節終壽八十餘

宋道善妻梅氏年十八歸宋越五載夫亡矢志全貞

至老不渝卒年八十餘

劉爾生妻王氏年二十九夫亡三子俱在襁褓人或私議云劉氏門庭從此凋落氏聞而識之恒以此勵其家人歷二十五年病革猶以其言囑長媳丁氏而逝

丁瑞第妻穆氏年二十八夫亡一子曰瞽貧苦異常誓以死守有進而與之言嫁者厲聲屏退瞽子長娶媳生孫卒年六十八

宋乾伯妻王氏年二十夫亡姑老子幼不忍身殉家無遺產奉養取給十指姑歿殯葬如禮子長出紡績

南陵縣志 卷三十三 列女

餘金爲之完室婦兼子職母全父道族黨欽之

章維似妻許氏年十八夫亡事姑撫子備極孝慈家落姑屢逼改適氏懼假潯衣抱子付姑赴河死

陶成德妻呂氏年二十四夫亡一女週歲殤矢志堅守家貧鍼黹度日守節四十年足未嘗履門外卒年六十三

張學端妻趙氏二十八歲孀子幼家貧別無所依有以贅夫養子爲言者氏作色曰人所異於禽獸者以有節義耳今欲我爲禽獸耶誓不從

李元妻潘氏年二十五夫患癰疾臥牀三年氏廢寢

食服侍榻前及歿勵志撫孤教養成立

王潯輝妻戴氏年二十八夫被賊擄不知所終子九歲氏含苦茹荼撫養成立課孫讀書成名卒年八十九

李魁妻秦氏二十一歲夫亡時伏熱棺內臭水外溢人莫能近氏以舌舐之即止蓬首垢面以完貞節王選臣妻強氏二十六歲夫亡砥節撫孤備極辛苦及老子若孫爲之請旌氏曰從一而終婦所應爾何旌爲爾等篤學以表寒閭足矣遂未旌同里舉人秦聚奎爲之贊

南陵縣志 卷三十五 列女

以上新增

六十

南陵縣志卷三十五終